




VÁLGA

Suohkanstivra- ja
fylkadiggeválga 2023

Nordsamisk / Davvisámegiella

Dehálaš diehtu dutnje gii galggat jienastit

Válgabeaivi lea čakčamánu 11. beaivve.
Muitte legitimašuvnna.



Suohkanstivra- ja fylkadiggeválgá 2023

Juohke njealját jagi válljet mii sin geat galget ovddastit min suohkaniid ja fylkasuohkaniid.

Suohkanstivra mearrida báikkálaš áššiid. Dat áššit gusket earret eará mánáid-gárdiide, vuodđoskuvlii, dearvvašvuoda- ja fuolahusbálvalusaide, mánáids-uodjaleapmái, kulturdoaimmaide ja doapparčorgemii.

Fylkadikki barggut leat fas earret eará joatkkaoahput, fylkageainnut ja gullevaž feargagaskkat, báikkálaš kollektiivvalaš fievrredeapmi ja kulturdoaimmat.

Oslos lea suohkanstivraválgá ja gávpotoasseválgá, muhto ii fylkadiggeválgá.

Dán gihppagis leat dieđut válggaid birra ja mot don jienastat.

Válgabeaivi lea mánnodaga čakčamánu 11. beaivve 2023:s.

Mánnggaid suohkaniin sáhtát don maiddá jienastit sotnabeaivve čakčamánu 10. beaivve.

Don sáhtát jienastit ovddalgihtii vaikko gos riikkas borgemánu 10.

beaivve rájes gitta čakčamánu 8. beaivve rádjái. **Muitte legitimašuvnna.**



Muitte legitimašuvnna go jienastat

Don fertet čájehit legitimašuvnna go galggat jienastit. Legitimašuvnna galgá leat namma, riegádandáhton ja govva, ja sáhtá leat ovdamearkka dihte pássa, našunála ID-goarta, vuodjingoarta dehe bāŋkogoarta mas lea govva.

Jus don leat muhtun ásašusas nu go buhcciidruovttus, buohcceviesus dehe giddagasas, sáhtát dáhttu muhtun bargi duođaštit gii don leat. Dat bargi ferte dalle duođaštit gii son lea.



Gii sáhttá jienastit?

- Norgga stáhtaboargárat geat leat deavdán 18 jagi ovdal jagi 2023 loahpa, ja geat leat, dehe leat leamašan, registrerejuvvon ássin Norgga álbmotregistarii.
- Dánmárkku, Suoma, Islánda dehe Ruota stáhtaboargárat geat leat deavdán 18 jagi ovdal jagi 2023 loahpa, ja leat álbmotregistrerejuvvon ássin Norggas maŋemusat geassemánu 30. beaivve 2023:s.
- Olbmot geat eai leat norgga stáhtaboargárat, muhto geat leat deavdán 18 jagi ovdal jagi 2023 loahpa ja leat registrerejuvvon álbmotregistarii ássin Norggas dan golbma maŋemus jagi ovdal válgabeaivvi.



Goas ja gos sáhtát jienastit?

Don sáhtát jienastit ovddalgihtii borgemánu 10. beaivve rájes gitta čakčamánu 8. beaivve rádjái vaikko guđe suohkanis.

Válgabeaivve fertet jienastit dan suohkanis gos don leat álbmotregistrerejuvvon ássin maŋemusat geassemánu 30. beaivve 2023. Don sáhtát jienastit vaikko guđe válgalanjas mat leat suohkanis.

It sáhte jienastit ovddalgihtii jienastanáigodagas dehe válgabeaivve?
Dalle sáhtát bivdit iežat suohkanis beassat čađahit árrajienasteami suoidnemánu 3. beaivve rájes.

Lea maddái vejolaš jienastit olgoriikkas suoidnemánu 1. beaivve rájes gitta čakčamánu 3. beaivve rádjái.



Gávna iežat válgalanja dáppe: valglokaler.no



Válgagoarta

Válgagoarta lea duođaštus dasa ahte dus lea jienastanriekti. Das čuožžu maiddá gos ja goas don sáhtát jienastit válgabeaivve. Válgagoarta ii dohkkehuvvo legitimašuvdnan, ja don it dárbbáš válgagoartta go galggat jienastit.

Válgagoarta sáddejuvvo du digitála boastakássii dehe Altinn ortnega bokte. Jus don leat dieđihan ahte it hálit almmolaš ásahusaiguin gulahallat digitála vuogi bokte, dehe it leat atnán ID-porten 18 mánnui, de sáddejuvvo válgagoartta dutnje báberhámis.

Váldde oktavuoda iežat suohkaniin jus it lean ožžon válgagoartta, dehe leat eahpesihkar lea go dus jienastanriekti.



Ná jienastat

Jus don jienastat eará sajis go iežat suohkanis, de oaččut jienastanlihppu mas leat daid registrerejuvvon politihkalaš bellodagaid namat. Don fertet russet dan bellodaga guhtii háliidat addit jienat. Jienastanlihpus eai leat bellodagaid kandidáhtaid namat. Danne don it sáhte rievdadit daid jienastanlihpuid.

Jus dat bellodat dehe joavku maid don háliidat jienastit ii leat namuhuvvon jienastuslihpus, de sáhtát ieš čállit dan bellodaga dehe joavkku nama dasa. Don sáhtát maiddá ieš háhkat iežat válgaguovllu jienastuslihpu, ja atnit dan jus don háliidat maidege rievdadit. Jietna sáddejuvvo dalle lohkamii du ruovttusuo-hkanii. Dat guoská maiddá dasa jus don jienastat olggobealde iežat fylkka fylkadiggeválggas.

Jus don leat buohcci dehe lámis, sáhtát váldit oktavuoda suohkaniin vai beasat ovddalgihtii jienastit ruovttus. Suohkan dieđiha makkár áigemearit gusket dasa.

Jus don leat álbmotregistrerejuvvon suohkanis dehe fylkkas masa guoská suohkan- ja regiovdnareforbma, dalle galggat válljet ovddasteddjiid daid ođđa suohkaniid ja fylkkaid suohkanstivrraide ja fylkadikkiide.

Veahki jienastit válgalanjas

Váldde oktavuoda válgadoaibmaolbmui jus dus leat jearaldagat dehe dárbbášat láidehusa go galggat jienastit. Válgadoaibmaolbmui lea jávohisvuoda-geatnegasvuoha.

Jus dus lea psyhkalaš dehe fysalaš doaibmaváddu mii dagaha ahte don it sáhte jienastit akto, de lea dus riekti oažžut veahki. Muhtun dain válgadoaibmaolbmui sáhtá veahkehit du dehe muhtun eará olmmoš gean don ieš válljet.


Ná jienastat iežat ruovttusuohkanis



1) Váldde dan jienastuslihu maid háliidat atnit: Ovtta suohkanstivraválgii ja ovtta fylkadiggeválgii, jus háliidat jienastit goappašat válggain.




2) Jus háliidat addit persovdnajienaid, sáhtát russet dan ruvtui mii lea jienastuslihus daid listokandidáhtaid guoras geasa háliidat addit persovdnajiena. Don sáhtát addit persovdnajiena vaikko man galle kandidáhtii go háliidat (geahča láidehusa boahtte siiddus).



3) Máhco jienastuslihu nu ahte bellodattamma šaddá sisa guvlui, ja dat oassi masa galgá steampil fas šaddá olggos guvlui – de ii sáhte oktage oaidnit maid don leat jienastan. Jienastuslihpuid ii galgga bidjat konvoluhta dehe eará olggoža sisa.



4) Mana válgadoaibmaolbmo lusa vai sii steampilastet jienastuslihpuid. Dat lea dehálaš nu ahte jienasteapmi dohkkehuvvo.



5) Bija jienastuslihpuid válgalihtái. Oslos lea suohkanstivraválga ja váлга gávpotoasselávdegottiide, muhto ii fylkadiggeváлга. Jus leat Oslo suohkana jienastuslogus ja háliidat jienastit gávpotoasselávdegotti válggain, de sáhtát juogo atnit dan jienastuslihu mii dus alddát lea fárus mat gullet gávpotoasselávdegottiid válgii dehe váldit guoros báhpira masa čálát dan bellodaga/joavkku nama maid háliidat jienastit. Jus anát guoros báhpira, de fertet maddái čállit ahte jienastuslihppu guoská gávpotoasselávdegotti válgii.

Rievdadusat jienastuslihpus


Jus háliidat váikkuhit dasa makkár kandidáhtat válljejuvvojit, de sáhtát addit persovdnajiena daidda kandidáhtaide geaidda don háliidat addit dakkár persovdnajietnalasáhusa. Don mearridat ieš jus háliidat addit persovdnajiena ja nu rievdadit jienastuslihpu. Dat mot sáhtát addit persovdnajienaid čuožžu maiddá jienastuslihpus.

Ná attát persovdnajienaid:



Suohkanstivraválggas:

1) Russe dan ruvttui mii lea kandidáhta nama guoras geasa háliidat addit persovdnajiena. Don sáhtát addit persovdnajiena nu galle kandidáhttii go háliidat.



2) Čále eará bellodagaid / joavkkuid kandidáhttanama sierra oassái mii lea jienastuslihpus. Man galle kandidáhttanama sáhtát čállit čuožžu jienastuslihpus. Fuomáš ahte jus don attát persovdnajiena muhtun kandidáhttii gii gullá eará bellodahkii/jovkui, de sirdojuvvo dat gohčoduuvon listajietna dan nuppi bellodahkii / jovkui. Dat sáhttá váikkuhit suohkanstivrra mandáhtaid juohkåseapmái.



Fylkadiggeválggas:

Russe ruvttui mii lea dan kandidáhta nama guoras geasa háliidat addit persovdnajiena. Don sáhtát addit persovdnajiena nu galle kandidáhttii go háliidat.

Gii välljejuvvo?

Go buot jienastusliihput leat lohkkjuvvon, de gávnnahe válgastivra galle ovddasteaddji guhtege bellodat dehe joavku oažžu suohkanstivrii dehe fylkadiggái. Dasto lohka válgastivra persovdnajienaid gávnnahe dihte guđet kandidáhtat leat välljejuvvon sisa.

Válgadirektoráhta lea almmuhan dán 2023:s.
Dát gihpa gávdno maidái ođđadárogillii, sámegillii ja logi vierisgielaide.

Eanet dieđut válgga birra: valg.no



Skánne QR-koda vai beasat lohkat gihppaga eará gielaide.